



VERKALÝÐSFÉLAG AKRANESS

SUNNUBRAUT 13 – 300 AKRANES
SÍMI 430 9900 – FAX 430 9901
KENNITALA 680269-6889 – www.vlfa.is

Stjórn HB Granda
Norðurgarði 1
101 Reykjavík

Akranesi 16. mars 2009

Áskorun

Undirritaður vill fyrir hönd stjórnar Verkalýðsfélags Akraness lýsa yfir ánægju með þá staðreynd að HB Grandi skuli hafa skilað tæplega 2,3 milljörðum í hagnað á síðasta rekstrarári, enda skiptir það starfsmenn miklu máli að fyrirtækinu gangi sem best.

Eins og stjórn HB Granda er eflaust kunnugt um þá var gengið frá samkomulagi á milli samninganefndar Alþýðusambands Íslands og Samtaka atvinnulífsins um frestun til 1. júlí á endurskoðun kjarasamninga og umsömdum launahækkunum sem áttu að koma til 1. mars sl. Rök áður nefndra aðila fyrir frestun á launahækkunum var sú að fyrirtækin hefðu ekki fjárhagslega burði til að standa við kjarasamning sem gerður var 17. febrúar 2008.


Verkalýðsfélag Akraness og fimm önnur landsbyggðafélög voru ekki sammála meirihluta verkalýðshreyfingarinnar um að fresta áður umsömdum launahækkunum. Rök þessara sex stéttarféлага voru þau að til væru fyrirtæki sem gætu staðið við gerða kjarasamninga og þá sérstaklega fyrirtæki sem starfa í útflutningi.

Nú hefur komið í ljós að HB Grandi er að skila ágætis afkomu fyrir síðastliðið ár og á þeirri forsendu skorar Verkalýðsfélag Akraness á stjórn HB Granda að greiða starfsmönnum fyrirtækisins þær launahækkningar sem áttu að koma til framkvæmda 1. mars sl.

Það er ekkert sem meinar stjórn HB Granda að láta þær hækkningar sem áttu að koma 1. mars taka gildi strax, enda eru þeir kjarasamningar sem í gildi eru aðeins lágmarkssamningar.

Það er alveg ljóst að íslensku fiskvinnslufólki sem er að starfa eftir lágmarkskauptöxtum mun svo sannarlega muna um þá 13.500 króna hækkun sem átti að taka gildi 1. mars sl. Verði þessari áskorun tekið með jákvæðum hætti þá er ljóst að það mun koma ykkar ágæta starfsfólki til góða enda hefur greiðslubyrði íslenskra launþega aukist gríðarlega á undanförunum misserum.

Virðingarfyllt,


Vilhjálmur Birgisson, formaður VLFA